

(<https://news.usm.my>).

Berita Mutakhir

02
MAR

USM, JPN DAN AMCC BANTU TINGKAT ILMU KEUSAHAWANAN ANAK MUDA

USM, PULAU PINANG, 1 Mac 2017 – Menyedari pentingnya golongan anak muda untuk mempelajari ilmu dan selok-belok perniagaan, Rancangan Keusahawanan, Pusat Rancangan Kokurikulum Universiti Sains Malaysia (USM) dengan kerjasama Jabatan Pendidikan Negeri (JPN) Pulau Pinang dan American Malaysia Chamber of Commerce (AMCC) telah mengadakan Bengkel Usahawan Muda (Youth Enterprise Programme) kelmarin.

Menurut Penyelaras Program Pengusaha Muda Malaysia, Pulau Pinang, Dato' Tang Hong Yin, melalui bengkel ini, pelajar berpeluang untuk meningkatkan ilmu pengetahuan dan mempelajari pelbagai kemahiran keusahawanan daripada fasilitator-fasilitator yang berpengalaman dalam bidang keusahawanan.

"Objektif program ini adalah untuk memberi pendidikan sepenuhnya berkenaan tugas-tugas lembaga pengarah dan mempelajari proses-proses pengeluaran produk dalam syarikat kepada pelajar-pelajar yang terlibat," kata beliau ketika berucap merasmikan program ini.

Menurut pelajar dari Sekolah Menengah Kebangsaan (SMK) Perempuan Methodist, Lim Hui Enn, dia berminat menyertai bengkel ini kerana dapat mempelajari kemahiran sosial untuk berhadapan dengan dunia luar.

"Saya berharap melalui bengkel ini, saya akan lebih berani untuk berkomunikasi dengan orang ramai kerana salah satu aspek untuk menjadi usahawan yang berjaya ialah melalui kemahiran komunikasi yang baik," kata Hui Enn.

Pelajar dari sekolah sama, Cheryl Cheah pula berkata, dia dapat mempelajari kemahiran keusahawanan yang merupakan satu kemahiran yang penting untuk masa hadapan melalui bengkel ini.

Peserta bengkel dari SMK Bukit Jambul, Haredran Thandavanaiker pula berkata, minat dia untuk menjadi seorang usahawan membuatkan beliau melibatkan diri dalam bengkel ini.

"Saya berharap suatu hari nanti saya dapat menghasilkan satu produk dan memasarkan produk tersebut hingga ke peringkat antarabangsa," katanya.

Program tersebut telah disertai hampir 600 pelajar yang turut melibatkan fasilitator dan guru dan diadakan di Dewan Indah Kembara dan Dewan Harmoni, Desasiswa Bakti Permai, USM.



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015